


迦下比丘說當未定經
難提蜜多羅所說法住記

四百卅七
畫六

51069



元祿九年丙子二月日重脩

皇國聖固 帝階級昌

佛日增輝 懺輪常轉

山城州天安寺法金剛院置



二經同卷六

迦丁比丘說當來變經

畫

大阿羅漢難提蜜多羅所說法住記

迦丁比丘說當來變經

失譯今附宋錄

是時迦丁比丘告衆會曰汝等靜聽吾今所

說初中竟語如佛所說言無違錯當來之世

當有惡變甚可怖畏汝等欲知我今說之來

事大恐好當勤加修精進業吾蒙佛恩今得

安隱汝等出家宜順佛教人壽百歲少出多

減當來之世惡法興盛惡比丘出破壞佛法

法欲盡時人意薄弱無有志勇務懷嫉妬更

相謗毀貪著文字務親紙墨而自光自謂之
爲上若有比丘從師口受諷誦通利分別句
義而爲他人分部說之而更輕慢此二學家
更共鬪諍吾所說是汝所說非貪利財寶心
口相違愚癡之人不解經意倒釋其義說者
亦反受者復倒語言不正經偈參錯所學既
少但懷憍慢輕篋他人當來之世如此之輩
人甚爲衆多傲慢師長不復承事謂三師言
我所說真實汝所說言僞此輩比丘親著俗
服白衣所行而習學之閑居靜處而不樂之
人間憤鬧貪慕係戀不能遠之雖於人間起
佛塔寺更相嫉妬四方比丘經過止任要報



寺主介乃得任然雖得任內心恚恨意不喜
之若去之後盡共歡喜佛寺之中所任比丘
還相妬忌或妬錢財或妬顏色或妬供養或
妬種姓或妬經法秘惜不傳追逐貴人有力
勢者心意沮敗崩壞佛法貯聚錢財奴婢六
畜修治園圃以此爲上內外已變強著袈裟
剃頭而已晝夜殷勤勤修官事國中臣吏有
力勢者追逐奉之猶如奴僕檀越之家敬三
寶故減妻奪子不敢衣食起佛塔寺施僧房
舍衣服卧具悉令饒足復恐乏少即出家中
名珍上寶著其塔中任寺沙門追逐官長欲
望敬事即取檀越塔中所有持上官長官長

貪財不推本末益得爲善用是貪嫉死入地
獄其比丘者貪著名利取三寶物妄爲恩惠
用是罪故死入地獄或有比丘身犯衆惡以
三尊錢財求謝他人以求解脫或有比丘及諸
白衣貪三尊財強獲罪負極取持去斯輩之
人盡入地獄若作法師作持律行者通四阿
含者各與白衣有力勢者共爲親友坐白衣
床便共密語談說餘人善惡好醜依著白衣
恃其力勢意所不喜便危害之若爲說法以
邪爲正以正爲邪作是行者名爲天下非法
分部佛有三藏經夫爲師者秘惜不傳不教
弟子所以者何恐弟子知與我等者便輕慢

師是以秘之爲弟子者何名出家無所學識
則便空出至使弟子遂懷瞋恚輕慢於師無
復上下語言殆鹿此輩比丘興乎惡行魔及
官屬盡得其便墮魔部界反自稱譽誰與我
等心變意惡三毒熾盛不能自禁貪利供養
達襯財物不避罪福益得爲善用供養故便
共鬪諍外著法服不知戒行出入行來不從
法教搖頭顧影迷著色欲甚於凡俗居賤賣
貴或出倍息務貪贏利比丘行法捨棄不行
得少利入則便歡喜比丘僧聚坐禪學問不
能堪耐而遠避之貪求財利四出求索不覺
疲倦欺調百姓無有馱足若有塔寺僧房卧

具肥濃之處。竟入其中。外像持戒。內懷姦非人。見恭敬漸漸。日日追逐。白衣奉事。供給白衣。歡喜復敬。望之展轉。嘆美言此比丘。戒行清純。不知其內。專為虛偽。多畜弟子。沙彌奴婢。四向求索。積聚無足。言我持戒。年歲未滿。行便將從戒法。日緩不信。罪福出言。凶強好與酒。客姪蕩女家。與之從事。或入官長官閣。出入以自榮美。或殺人聚。或喜作務。百種生活。談說王事。治政好醜。或談軍馬。閭諍勝負。或談盜賊。或談飲食。或說婦女情欲。晝夜談說。世間邪事。明師善友。不肯親附。更與屠兒惡賊嗜酒盜劫。販賣邪姪之人。共為親厚。飲酒卧起。

心漸染戀習彼所行或勤家業或為白衣走
使不避遠近如此輩人不知正法復使作沙
門名曰壞法既自不孝父母尊老若見持戒
比丘清高梵志而罵辱之無有慈心賊害群
命劫人財寶私人婦女口好妄言閨門姪乱
不避上下若見清潔比丘尼姪意為起而追
逐之破毀戒行如此輩人現世為王法所得
收繫著獄五毒治之若有國王大臣人民犯
斯惡者則令風雨不時五穀不豐人民窮困
盜賊並起軍革數興萬民逃迸五族離散聚
落空虛彼時世人因無衣食避世苦故竟作
沙門作沙門已破壞佛法輕慢上下合聚惡

人意令志同而爲結友便相稱揚其戒行清
某行禪定人民聞見謂爲審然若檀越請轉
經說法便竊裸卧不肯聽采若分達襯則竟
誦之求索供養衣被飲食無有馱足多畜弟子
不以法訓佛之正戒不以誨之弟子不解戒
行禪定修道之法而爲師者務相聚會談講
世俗非法之事以爲常業如此輩人受他供
養施者福少受者有殃若有四輩聚會說經
不樂聽之若有白衣來欲聽經竟共迎送供
給所須不失其意若說禁戒則共鬪諍乃至
夜半言衆人疲但說四事若理鬪諍不以疲
馱若說淨戒講經法時不欲聞之當來比丘

欲亂法者。竟起佛寺。處處聚會。其十五日。有布薩說戒者。雖共聚會。但共鬪諍。亦不說戒。講法。諸天人民。見僧聚會。欲聽經法。但聞鬪諍。即相謂言。我爲法來。反聞鬪諍。於此何求。心中不樂。愁慘而去。自念不久。佛法將滅。諸天龍神及諸夜叉。諸善鬼神。皆共愁悒。不復擁護佛法。衆僧令諸惡鬼。吸食其血。令皆多病。薄色力劣。顏貌枯悴。無有威德。皆由此矣。比丘若病。不相看覘。心畏惡之。樂欲令死。時病比丘。無看覘。故遂便喪亡。佛法欲滅。比丘白衣。皆共慳貪。積聚財產。不肯惠施。但貪欲得。摩摩諦者。不信罪福。無復上下。

亦不分別三尊財物無道用之或共婦女或
共白衣雜廁居止飲酒歌舞快相娛樂凡俗
無別更相嫉妬緣是之故財物衰耗業不諧
偶此輩比丘用姪欲故樂在家居不厭為苦
好與童女相結為因所以者何童女之意特
為深重初得男子心相戀著俱不忘捨或與
姪蕩女子就共生活或比丘尼為家居者若
有比丘不畜遺餘乞匄充身諸破戒比丘盡
共憎惡不欲見之告諸檀越言此比丘內懷
諛諂外現持戒不足可與於今之世若有犯
戒比丘盡共惡之將來之世見有清淨持戒
比丘反共憎之亦時比丘屏處犯戒畏人見

之將來之世若有比丘奉戒禪定畏人見之
所以今者將來之世憎持戒故當來比丘強
知貪利不知著耻如此人輩彼世癡人盡恭
敬之見持戒者反輕毀之一切万物悉皆是寶
用人不識皆即化沒佛法亦今由是之故正
法轉沒用不敬奉今法沒盡譬如火船多所
負載重則沉沒將來之世多有比丘貪惑供
養今法毀沒若有比丘奉戒護律法當久存
如師子王雖死卧地飛鳥走獸無敢近者旬
日之間身中生虫還食其肉毀壞身形佛雖
泥洹正法續存梵魔衆聖一切邪道無能毀
佛法者將來當有無行之人入佛法中求作

沙門破壞佛法更相輕毀學三藏者轉相嫉妬爲嫉妬故佛法疾滅欲護佛法當除憍慢棄捐嫉妬將來比丘妬佛法者如猪處圉不自知鼻多所唐突如無韉驢不顧禁戒飲酒噉肉不以時節共結親友或穿人墻屋劫人財物或受人寄共相詛冒更相證明忍於撈笞改易券信多得爲幸若僧因緣共會聚時諸下座輩呵罵上座上座默然愁慘出去介時下座不以禮教以自拘制可爲師者更不受之比丘有是鬪諍之時法將滅盡天下騷動盡共不安國主調役無復馱足盜賊並起劫奪民財轉入於王王者得財遂長益賊

治政崩壞相殺不問人民窮苦姦巧滋生天下枯旱風雨不時穀米飢貴王賈販賣踰越境界耕田種作收入薄少晝夜勤苦身口不繫無用充官万民嗷嗷乃不思存尔時比丘亦復耕田四出賈作經理官私與俗無異甚為苦哉將來之世當有三天子出破壞天下

一名邪來那近在南方中國當有一天子出北方晉土有一天子名曰捷秋佛法將滅此三天子乃出晉破壞國土殺害人民破塔僧園輕慢沙門考治五毒亦率兵衆詣天竺國破壞土地多所殘害尔時中國天子當復興兵破壞晉土及其臣民還其本土是時晉土

沙門為官所困。或有死者。或有返俗者。或巡
四出向天竺者。或有達者。有不達者。或有盲
聾跛蹇羸老病瘦不任去者。為官所殺。尔時
中國天子敬佛法。眾惠施一切。見犯戒者。即
訶諫之時。有上座比丘名尸依仇。通知三藏
為王說法。王甚歡喜。即請眾僧於拘睒彌國
作般闍于瑟盡。請一切釋迦文弟子在闍浮
提者。悉令集會。時有百千比丘。末後大會大
會者。佛法向盡。更不復會。故言末後尔時會
中轉相問言。汝等和上及阿闍梨。為在何許。
各荅之曰。我等之師中道病死者。賊所殺者。
疲劣不能前者。言已達者。皆共悲結。舉聲號

哭當此之時十五日夜天大惡風暴雨說二百五十戒中有聞者或不聞者時諸比丘便共鬪諍大語呼上座比丘諫衆人曰仁等小言當用法故更勿亂語吾用比丘法當解決意今閻浮提釋迦文弟子盡來會此是會末後今我所學更不復學唯願默然聽我所說復有比丘聰明智慧深入禪定語衆人曰我所入禪悉已備足今此大會百千比丘欲聞法戒能持行者我當說之願諸釋子默然靜聽復有比丘字須陁流晉言日善以得羅漢即從坐起一心叉手禮上座足便師子吼我欲說經衆坐勿鬧經中所說吾悉學之無有

錯悞終不復疑。如佛所言。上座弟子名白。上
頭亦是上足志行。凶惡即從坐起。謂須陀流
曰。汝何所知。不解經法戒律。上座欲說。竟共
說之。介時上頭即以鐵杵打殺須陀流。須陀
流已度生死中有持戒比丘。默然便起出去。
介時有信佛夜叉。復以鐵杵擊殺上頭比丘。
當於介時。天地六反震動。虛空之中自然有
叫喚稱怨之聲。四向復有雷震雨墮。四向復
有惡氣滿于虛空。雷震四至。介時一切衆生
之類。見是變恠。悉共相對舉聲悲哭。皆相謂
言。今日末後佛法盡矣。上至二十八天無色
諸天。及龍阿須輪滿于空中。舉聲大哭。自撲

墮地復有奉法羅刹及見佛夜叉悉皆舉身
自投于地口說是言從今以往天下更不復
聞說二百五十戒聲比丘不復奉行之天下
孤寡衆生失明甚速柰何天下不久人民相
殺無有問者猶如野畜法行已墮法鼓已裂
甘露門已閉諸經法師命已喪失法炬已滅
法輪已倒十二部經已散已解法輪已折法
水已止法海已竭法山已崩諸山谷間無復
精進坐禪比丘諸天善神見山谷空無所奉
敬悉皆自撲人民盲冥無法可行時諸魔衆
皆大歡喜以名衣上服更相貢上佛法已滅
我等邪法今始得興更相慶賴迦丁比丘告

諸弟子當來惡變其事如斯今日佛法猶故
存在宜勤行之佛之正法如深草澤衆生仰
之無所乏少若草澤枯竭衆生飢困墮于生
死猶如賈客不勤用心財寶日耗父母妻子
無所濟活身心焦燃悔無所及今正法存極
可行之恣取何道若復放逸不欲精進空出
無獲返爲三塗之所沒溺悔之無及今汝四
輩思佛重恩奉上如父親下如子汝等四大
強健心堅意猛懃行精進可得度苦復一旦
身心微弱而爲老病所見踰蹈悔無所及今
國土人民未至盛惡兵革未起人民安隱米
穀平賤分衛易得念勤精進可無後悔時諸

弟子聞說是法悉皆稽首禮大仙足心意惶
怖身體戰掉悲泣白言將來之世法沒盡時
見此世者意當去何何忍見之我等今日聞
說是專心用崩破彼世之人遭此惡者身心
豈不裂作百段耶時諸弟子忽復自議至心
投地同聲白師我甚惶怖云何得道免于斯
苦不遭斯惱大仙告曰道無遠近勤求則得
無有前後此經名曰大仙迦丁所記當來秘
讖要集宜勤精進可免斯苦時諸弟子聞經
悲泣飲淚稽首奉行

迦丁比丘說當來變經

大阿羅漢難提蜜多羅所說法住記

三藏法師 玄奘奉 詔譯

如是傳聞佛薄伽梵般涅槃後八百年中執
師子國勝軍王都有羅漢名難提蜜多羅唐言
慶具八解脫三明六通無諍願智邊際定等
無量功德皆悉具足有大威神名稱高遠以
願智力能知此界一切有情種種心行復能
隨順作諸饒益化緣既畢將般涅槃集諸苾
芻苾芻尼等說已所證諸妙功德及應所行
利樂有情諸勝事業皆悉成辦告時眾曰自
今已後無復所為唯無餘依是所歸趣仁等

當知有疑可問。時諸大衆聞是語已，舉聲號哭，不能自持，宛轉於地，或起唱言：佛薄伽梵，久已涅槃，諸聖弟子亦隨寂滅，世間久空，無真調御，今唯尊者爲天人眼。如何復欲棄捨我等，願垂哀愍，少留壽命，尊者慶友慰喻衆言：不須啼泣，仁等當知世間法，亦有生必滅。諸佛如來降伏四魔於壽自在，隨順世故，猶示涅槃，況我今者，豈宜恒住，設隨汝請，亦無利益，當體此意，勿生憂惱。但有疑者，應可速問。諸苾芻等雖承告示，猶增涕噎，良久乃問：我等未知世尊釋迦牟尼無上正法，當住幾時。尊者告曰：汝等諦聽如來先已說法住經。

今當爲汝粗更宣說佛薄伽梵般涅槃時以
無上法付囑十六大阿羅漢并眷屬等令其
護持使不滅沒及勅其身與諸施主作眞福
田令彼施者得大果報時諸大衆聞是語已
少解憂悲復重請言所說十六大阿羅漢我
輩不知其名何等慶友荅言第一尊者名賓
度羅跋囉惰闍第二尊者名迦諾迦伐踰第
三尊者名迦諾迦跋釐惰闍第四尊者名蘇
頻陀第五尊者名諾矩羅第六尊者名跋陀
羅第七尊者名迦理迦第八尊者名伐闍羅
弗多羅第九尊者名忒博迦第十尊者名半
託迦第十一尊者名羅怛羅第十二尊者名

那伽犀那第十三尊者名因提陁第十四尊者名伐那婆斯第十五尊者名阿氏多第十六尊者名注荼半託迦如是十六大阿羅漢一切皆具三明六通八解脫等無量功德離三界染誦持三藏博通外典承佛勅故以神通力延自壽量乃至卅尊正法應任常隨護持及與施主作真福田令彼施者得大果報尔時苾芻苾芻尼等復重請言我等不知十六尊者多任何處護持正法饒益有情慶友答言第一尊者與自眷屬千阿羅漢多分住在西瞿陀尼洲第二尊者與自眷屬五百阿羅漢多分住在北方迦濕弥羅國第三尊者

與自眷屬六百阿羅漢多分住在東勝身洲
第四尊者與自眷屬七百阿羅漢多分住在
北俱盧洲第五尊者與自眷屬八百阿羅漢
多分住在南瞻部洲第六尊者與自眷屬九
百阿羅漢多分住在耽沒羅洲第七尊者與
自眷屬千阿羅漢多分住在僧伽茶洲第八
尊者與自眷屬千一百阿羅漢多分住在鉢
刺拏洲第九尊者與自眷屬九百阿羅漢多
分住在香醉山中第十尊者與自眷屬千三
百阿羅漢多分住在三十三天第十一尊者
與自眷屬千一百阿羅漢多分住在畢利颺
瞿洲第十二尊者與自眷屬千二百阿羅漢

多分住在半度波山第十三尊者與自眷屬
千三百阿羅漢多分住在廣脇山中第十四
尊者與自眷屬千四百阿羅漢多分住在可
住山中第十五尊者與自眷屬千五百阿羅
漢多分住在鷲峯山中第十六尊者與自眷
屬千六百阿羅漢多分住在持軸山中諸仁
者若此世界一切國王輔相大臣長者居士
若男若女發殷淨心為四方僧設大施會或
設五年無遮施會或慶寺慶像慶經幡等施
設大會咸延請僧至所住處設大福會或詣
寺中經行處等安布上妙諸坐卧具衣藥飲
食奉施僧眾時此十六大阿羅漢及諸眷屬

隨其所應分散往赴現種種形蔽隱聖儀同
 常凡眾密受供具令諸施主得勝果報如是
 十六大阿羅漢護持正法饒益有情至此南
 瞻部洲人壽極短至於十歲刀兵劫起互相
 誅戮佛法亦時當暫滅沒刀兵劫後人壽漸
 增至百歲位此洲人等厭前刀兵殘害苦惱
 復樂修善時此十六大阿羅漢與諸眷屬復
 來人中稱揚顯說無上正法度無量眾令其
 出家為諸有情作饒益事如是乃至此洲人
 壽六萬歲時無上正法流行世間熾然無息
 後至人壽七萬歲時無上正法方永滅沒時
 此十六大阿羅漢與諸眷屬於此洲地俱來

集會以神通力用諸七寶造窣堵波嚴麗高
廣釋迦牟尼如來應正等覺所有遺身馱都
皆集其內尔時十六大阿羅漢與諸眷屬繞
窣堵波以諸香華持用供養恭敬讚歎繞百
千帀瞻仰禮已俱昇虛空向窣堵波作如是
言敬禮世尊釋迦如來應正等覺我受教勅
護持正法及與天人作諸饒益法藏已沒有
緣已周今辭滅度說是語已一時俱入無餘
涅槃先定願力火起焚身如燈焰滅骸骨無
遺時窣堵波便陷入地至金輪際方乃停住
尔時世尊釋迦牟尼無上正法於此三千大
千世界永滅不現從此無間此佛土中有七

万俱胝獨覺一時出現至人壽量八万歲時
獨覺聖衆復皆滅度次後弥勒如來應正等
覺出現世間時瞻部洲廣博嚴淨無諸荆棘
谿谷堆阜平正潤澤金沙覆地處處皆有清
池茂林名華瑞草及衆寶聚更相輝映甚可
愛樂人皆慈心修行十善以修善故壽命長
遠豐樂安隱士女殷稠城邑鄰次雞飛相及
所營農稼一種七穫自然成實不須耘耨諸
仁者於彼時中國界莊嚴有情果報陳之難
盡具如弥勒成佛經說弥勒如來成正覺已
爲聲聞衆三會說法今出生死得證涅槃第
一會度九十六俱胝聲聞衆第二會度九十

四俱胝聲聞衆第三會度九十二俱胝聲聞衆若諸國王大臣長者居士男女一切施主於今釋迦牟尼佛正法中能爲佛事自種善根或教他種謂以七寶金銀眞珠璧玉香材鑰石銅鐵木石泥土或以繒縷或以綵畫作佛形像及窣堵波若大若小乃至最小如指節量或以香華諸妙供具若多若少而爲供養彼由如是善根力故至彌勒如來成正覺時善得人身於彼佛第一會中以淨信心捨俗出家淨除鬚髮披著法服旣預聖衆隨宿願力便得涅槃是名第一爲佛事故種善根者所得果報若諸國王及以臣庶一切施主

於今釋迦牟尼佛正法中能為法事自種善
根或教他種謂於大乘素咀纜藏所有甚深
空性相應諸大乘經謂般若波羅蜜多經妙
法芬陀利迦經金光明經金剛手藏經首楞
伽摩三摩地經幻喻三摩地經大神變三摩
地經集諸功德三摩地經逮如來智印三摩
地經具諸威光三摩地經寶臺經集諸菩薩
三摩地經諸佛攝受經集請問經梵王問經
善吉問經勇猛問經能滿問經海龍王問經
無熱惱龍王問經樹幢龍王問經寶掌問經
寶髻問經虛空音問經虛空吼問經幻網問
經寶女問經妙女問經善臂問經師子問經

猛校問經金光女問經說無盡慧經說無垢
稱經未生怨王經諦實經那羅延經佛華嚴
經蓮華手經十佛名經無量光衆經極樂衆
經集淨華經大集經入一切道經寶幢經寶
聚經寶篋經彩畫經高頂王經如是等大乘
經有百俱胝部黨差別復有大乘毗柰耶藏
阿毗達磨藏衆多部類一切皆是菩薩藏攝
復有聲聞三藏謂素怛纜藏毗柰耶藏阿毗
達磨藏素怛纜藏有五阿笈摩謂長阿笈摩
中阿笈摩增一阿笈摩相應阿笈摩雜類阿
笈摩毗柰耶藏中有苾芻戒經苾芻尼戒經
分別戒本諸蘊差別及增一律阿毗達磨藏

中有攝六問相應發趣等衆多部類復有本
生鬘讚獨覺鬘讚於如是等正法藏中或是
佛說或菩薩說或聲聞說或諸仙說或諸天
說或智者說能引義利乃至有能於四句頌
若自誦若教他誦若自讀若教他讀若自持
若教他持若自解說若教他解說或於法師
恭敬供養或於經卷恭敬供養謂以種種香
華幡蓋伎樂燈明而爲供養或於經卷以諸
雜綵囊帊縷帶而嚴飾之由如是等善根力
故至弥勒如來成正覺時善得人身於彼佛
第二會中以淨信心捨離家法出趣非家淨
除鬘髮披著法服旣預聖衆隨宿願力便得

涅槃是名第二。為法事故。種善根者所得果報。若諸國王及臣庶等一切施主。於今釋迦牟尼佛正法中。能為僧事。自種善根。或教他種。謂諸苾芻。苾芻尼衆。或次第請。或隨緣請。於月一日。或月八日。或十五日。設齋供養。或往寺中。若供養一。若供養衆。或作給侍。或有供養。修靜慮者。或有供養諸說法者。或見有人欲於正法學習。流布從師聽受。不作留難。施其所安。無令怯退。或設五年無遮施會。或施四方僧。或施寺舍。及坐卧具。或施鍾磬。或施園林。如是等類。供養僧衆。彼由如是善根力故。至弥勒如來成正覺時。善得人身。於彼

佛第三會中以淨信心捨離家法出趣非家
淨除鬚髮被著法服既預聖衆隨宿願力便
得涅槃是名第三爲僧事故種善根者所得
果報

尔時慶友大阿羅漢爲諸大衆廣說如上事
已以神通力於大衆前身昇虛空高七多羅
樹示現種種不可思議大神變事令所觀衆
增進勝道時彼尊者現神變已即於空中結
跏趺坐捨諸壽行及諸命行入無餘依般涅
槃界先定願力火起焚身於虛空中雨身遺
骨時諸大衆悲歎希有竟收遺骨起窣堵波
以諸香華寶幢幡蓋伎樂燈明常爲供養此

法住記古昔諸師展轉相承誦持不忘為今
一切國王大臣長者居士諸施主等了達因
果獸生老病死芭蕉幻焰泡沫之身修諸勝
業於當來世逢事弥勒解脫煩惱得大涅槃
生愛樂故於佛正法護持建立今久不滅

慶友大阿羅漢所說法住記六

盡

迦丁比丘說當來變經二經同卷

係計音俎敗上也呂反園圃下補布二音種

圖達親上反此音達下初耐音奈樹曰園種莢曰餅

棄捐上下音棄字婬上盪下音夷今反逃上進下音桃

反也俶卧赤體也反愁慘感下反雜廁反下初便

也 乞 甸 蓋 下音 處 困 上尺 呂 反 下 胡 搪 揆 下徒

也 同 也 鞞 居 宜 反 諷 冒 上音 夙 下 榜 笞 上步 庚

也 下音 癡 鞭 一音 券 信 上音 立 願 反 騷 動 上蘇 反 嗷 吾 高

跛 蹇 反 上 博 我 反 下 屈 病 也 輦 依 仇 下音 拘 睽 下失

般 遮 于 瑟 謂 上音 鉞 下音 風 此 丙 字 開 自 撲 角 下蒲 反

秘 識 萌 下 楚 禁 事 日 以 驗 未 會 齋 也

大阿羅漢說法任記

奘 法 慈 朗 反 涕 噎 上音 替 下 囉 惰 下 徒 加 反 伐

蹉 何 下 七 反 跋 釐 下 上 蒲 未 反 伐 閱 悅 下音 戎 博 注 上 詩 反

囉 怙 下 戶 音 犀 那 西 上音 揭 陁 一 上音 竭 反 刺 拏 上 郎

達 加 反 下 颺 瞿 余 上音 向 反 羊 又 誅 戮 亦 下音 剝 六 宰 堵 波 郎

婆 上 蘇 沒 反 中 音 覩 亦 云 塔 馱 都 來 體 骨 即 舍 如

也 | 契 | 石 石 婦 名 利

花 經 此 之 上 土 | . 别

云 精 音 山 | 荆

楞 者 偷 也 無 棘

迦 也 銅 獲 紀 上

登 上 繒 胡 力 音

反 郎 縷 郭 反 京

笈 反 上 也 反 下

摩 自 稔 穉 磧 谷

葉 上 綵 陵 反 上 字 上

反 其 咀 纜 音 溪

囊 郎 上 云 埴

把 淡 丁 除 下 阜

下 上 反 達 草 奴 反 上

普 奴 反 素 反 也 豆 下 丁

加 郎 反 下 音 回



